



SLUŽBENE NOVINE

KANTONA SARAJEVO

Godina XXIX - Broj 37

Četvrtak, 19. 9. 2024. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 27. stav (3) Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22 i 8/24), Vlada Kantona Sarajevo, na 39. sjednici održanoj 05.09.2024. godine, donijela je

UREDBU

O IZMJENAMA I DOPUNAMA UREDBE O NAČINU I UVJETIMA OSTVARIVANJA PRAVA NA DODJELU STIPENDIJA BORCIMA - BRANITELJIMA BOSNE I HERCEGOVINE I NJIHOVOJ DJECI

Član 1.

(Dopuna člana 1.)

U Uredbi o načinu i uvjetima ostvarivanja prava na dodjelu stipendija borcima-braniteljima Bosne i Hercegovine i njihovoj djeci ("Službene novine Kantona Sarajevo", broj 41/22) u članu 1. u stavu (1) iza broja: "31/22", dodaje se veznik: "i" i broj "8/24".

Član 2.

(Izmjene i dopuna člana 6.)

- U članu 6. u stavu (1) druga tačka c) mijenja se i glasi: "d) za redovno školovanje na III ciklusu Bolonjskog sistema studiranja - 30 stipendija."
- U članu 6. stav (2) mijenja se i glasi: "(2) Ukupan broj stipendija, kao i raspodjela sredstava za stipendije iz tač. a), b), c) i d) stava (1) ovog člana, u okviru ukupno predviđenih sredstava za stipendiranje u određenoj školskoj godini, može po potrebi biti i drugačija, u zavisnosti od broja prijavljenih kandidata za dodjelu stipendija za pojedine vrste školovanja, a o čemu, po prijedlogu Fonda "IKRE", konačnu odluku donosi ministar."
- U članu 6. iza stava (2) dodaje se novi stav (3), koji glasi: "(3) Izuzetno u slučaju nemogućnosti osiguravanja dovoljno sredstava za stipendiranje predviđenog broja učenika i

studenata iz stava (1) ovog člana sa iznosima propisanim u članu 11. ove uredbe za određenu školsku godinu, Vlada Kantona Sarajevo na prijedlog Ministarstva utvrđuje preliminarni manji broj stipendija po vrstama školovanja za tu školsku godinu."

Član 3.

(Izmjena člana 11.)

U članu 11. u stavu (1) broj "100,00", zamjenjuje se brojem: "150,00".

Član 4.

(Izmjena člana 12.)

U članu 12. u stavu (1) tačka c) mijenja se i glasi:

"c) apsolventima koji produžuju apsolventski staž još jednu godinu,"

Član 5.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-40914-2/24
05. septembra 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 4. Zakona o izvršavanju budžeta Kantona Sarajevo za 2024. godinu ("Službene novine Kantona Sarajevo", broj 55/23) Vlada Kantona Sarajevo, na 39. sjednici održanoj 05.09.2024. godine, donijela